

Apequteqaat aallaavigalugu nuna tamakkerlugu immikkut ittumik eqqagassanik saliinissamik suliniuteqarnissaq pillugu oqallisissiatut siunnersuut

(Inatsisartuni ilaasortat Gerhardt Petersen aamma Knud Kristiansen, Atassut)

Akissuteqaat

(Pinngortitamut Avatangiisinullu Naalakkersuisoq)

Eqqagassat ajornartorsiutaanerat aammalu nuna tamakkerlugu immikkut ittumik eqqagassanik saliinissamik suliniuteqarnissap pisariaqarnera pillugit oqallisissiamik pingaarutilimmik saqqummiussineranut Atassummut qujanaq. Nunatsinni eqqagassat annertuumik ajornartorsiutigaaavut. Taamaattumik kommunit suleqatigalugit aaqqiissutissanik pitsaanerpaanik nassaarniarluta sulivugut.

Immikkut ittumik suliniuteqarnissap pisariaqartinneqarneranut Naalakkersuisut isumaqataapput. Taamaattumik 2014-imi upernaakkut kommunit suleqatigalugit nuna tamakkerlugu eqqagassanik saliinissamut immikkut ittumik paasititsiniaanermik ingerlatsiniarlutik Naalakkersuisut pilersaaruteqarput. Eqqagassat eqqaavinnut iginneqartassasut inuit qaammarsaavigineqarnissaat paasititsiniaanermi siunertarineqarpoq. Paasititsiniaaneq eqqagassanik eqqortumik eqqaanissap pisariaqarneranik paasisimaarinninnermik annertusaaqataassaaq.

Eqqagassanik passussinermut piaanermullu kommunit akisussaasuupput. Namminersorlutik Oqartussat pilersaarusiomerit misissueqqissaartarnerillu, misileraalluni suliniuteqarnerit aammalu eqqagassalerinermit suliassaqarfimmi aningaasalersuinermit suliassanik kivitseqataasernerit aqutitigalugit kommuninut tapersersuisarsimapput. Kommunit aamma Namminersorlutik Oqartussat eqqagassalerinermit aaqqiissutissanik, illoqarfinni nunaqarfinnilu atorneqarsinnaasunik piviusunngortinneqarsinnaasunillu nassaarniarnissaat pingaaruteqarpoq.

Namminersorlutik Oqartussat ukiumoortumik aningaasanut inatsit aqutitigalugu eqqagassalerinermit aningaasanik immikkoortitsisarput. Aningaasaliissutinut taakkununga kommunini eqqagassalerinermit misileraalluni suliniutinut kommunit tapiiffigineqarnissamik qinnuteqarsinnaapput. Kommunit aamma Namminersorlutik Oqartussat ataatsimoorlutik eqqagassalerinermit unammilligassanut aaqqiissutissanik pitsaanerpaanik nassaarniartarnissaat aningaasaliisarnermi siunertaavoq. Kommunit misileraalluni suliniutinut tapersiiffigineqarnissamut periarfissaqarnerat, kommunit eqqagassalerinermit ullutsinnut naleqqunnerpaamik sukkanerusumik pilersitsisinaanissaannut iluaqutaasusaaq. Aamma Namminersorlutik Oqartussat kommunini eqqagassanik ulorianartunik eqqagassanillu ajornartorsiortitsisunik allanik tigooqqaavinnik immikkoortiterivinnillu sananissamut tapiissuteqartarput.

Kommunit arlallit eqqagassalerinermit aaqqiissutissanik nutaanik misileraaleruttorput. Assersuutitigalugu Kommuneqarfik sermersooq eqqakkanut ikuallaavinnik containerinik angallattakkanik atuilluni misileraavoq. Kommune Kujalleq aamma Qaasuitsup Kommunia

illoqarfinit minnerusuniit illoqarfinni annerusuni ikualaavinnut eqqagassanik assartuinermik misileraapput. Suliniutini taakkunani misilittakkat pingaaruteqarput. Eqqagassalerinermi aaqqiissutissat taakku aamma Kalaallit Nunaanni pissutsini atorpeqarsinnaanersut qulakkiissavarput.

Immikkut ittumik eqqagassanik saliinissamik suliniuteqarnissaq pisariaqartinneqartoq Naalakkersuisut isumaqatigaat. Taakku ataatsimut isigalugit suliassaqaqfimmu aningaasaqarnikkut isumalluutissanik amerlanerusunik nuussinissaq pisariaqartussaavoq. Ataatsimiinnermi matumani aningaasalersuinissamut periarfissat oqallisigereerpavut (UKA2013/33), tassanilu Naalakkersuisut avatangiisinut aningaasaateqarfik pillugu immikkoortumut tapersiipput. Eqqagassalerinermut kommunit akisussaasuummata, tamatuma kommunit missingersuutaanni pingaarnersiulluni tulleriarinermi ersersinneqarnissaa pingaaruteqarpoq. Namminersorlutik Oqartussat tungaanniit aningaasaateqarfissap kingunerisinnasaatut suliassami tulleriarinermi pingaarnersitsisoqassappat, tamanna kommunit isumalluutit atuinertit annikillitsinermik kinguneqartariaqanngilaq. Naalakkersuisut eqqagassalerinermi ajornartorsiutit pillugit politikikkut isornartorsiuffiusumik pilersitsiviusumillu kommunit oqaloqatiginiarpaat. Taakku iluarsiiqqineqassapput, aammalu kommunit suliassaqaqfimmi pisussaaffimminnik naammassinnissapput.

Aningaasalersuineq kisimi unammilligassaannngilaq. Aamma aaqqiissutissanut eqqortunut aningaasaliisoqassaaq. Aaqqiissutissanik najukkani isumalluutit pisariaqartitanullu naleqqussakkanik nassaarniartoqassaaq. Aaqqiissutissat attanneqarsinnaassapput sularinissaallu pisariitsuussalluni. Aaqqiissutissanik najukkani tunngaviusut pisariaqartitsinerillu malillugit suliqaqarnermi atorsinnaasunik nassaarsiassaagut. Taamaattumik suliassaqaqfimmi pilersaarutit attanneqarsinnaasunik tamakkiisumillu aningaasalersorneqartunik suliqaqarnissaq siunertaralugu, Naalakkersuisut piffissami aggersumi eqqagassalerineq pillugu kommuninut oqaloqatiginninnerit sakkortunerulersissavaat.

Pitsaasumik pissarsiaqarfiulluarmillu oqallinnissaq Naalakkersuisut qilanaaraat.